



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 43. Auriæ Cardinalis extrema.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Sæcul. XVI. nibus hic usus retinendus sit, donec Ec-
A. C. 1558. clesia aliter decreverit.

§. XLIII.

Auricæ Cardinalis extrema.

Ciac. p. 501.
Auberyl. c.
Laur. Capel.
in vit. Andr.
Aur. Inst. in
annal. Ge-
nuens.

Tertio loco recensetur Hieronymus de Auria Genuensis Augustini Auricæ Filius. Hic adhuc juvenis in Uxorem duxit Aloysiam Spinulam filiam, & hæredem Baptistæ Spinulæ Reipublicæ Genuensis Ducis, atque ab initio Hieronymus Cremolini Comes nuncupari voluit, hocque sub nomine notus præclara admodum obsequia patriæ suæ præstitit. Defuncta Coniuge sua, relictisque ex ea quinque prolibus uno nimirum Filio, & quatuor Filiabus aliquamdiu operam suam in Reipublicæ obsequium impendebat, præcipue cum Oratoris munere pro eadem ad Julium II. Pontificem fungeretur: Anno quoque millesimo quingentesimo duodecimo gravissimis negotiis præfectus ex duodecim illis, qui Genuense regimen ad pristinam normam reducerent, unus seligebatur: denique cuncta hæc satis molesta munia pertæsus sacræ militiæ nomen dabat, atque ad preces Andreæ Auricæ, qui Genuensi classi præerat, a Clemente VII. die tertia Octobris Anno Salvatoris nostri millesimo quingentesimo vigesimo nono ad amplissimam Cardinalatus

nalatus dignitatem evehebatur, nec minus variis temporibus plures Episcopatus Nebiensem in Corsica, Naulentem in Liguria, Jacensem, Oscensem, & Tarraconensem, seu ut alii legunt, Tarraconensem in Hispania gubernavit. Ceterum Hieronymus singularis sui erga Papam studii sæpius luculenta edebat specimina, præcipue autem Anno a Nativitate Dominica millesimo quingentesimo quadragesimo septimo id egit in Fliscorum conjuratione, ubi hic Cardinalis pro Cognati sui defensione manifesto periculo vitam suam exposuerat: porro cum ad grave senium dies suos perduceret, pluribus interfuit comitiis, in quibus Paulus III. Julius III. Marcellus II. & Paulus IV. fuere electi: tandem vero Hieronymus die vigesima quinta Martii circa annum Domini millesimum quingentesimum quinquagesimum octavum mortuus, & sepultus est in Ecclesia Sanctæ Mariæ de Cella, cui Fratres Eremitæ D. Augustini præfunt, illisque multa legasse dicitur. Scriptorum nonnulli ejus obitum ad Mensem Majum rejiciunt.

§. XLIV.

Cardinalis Peyti fatum.

Inter Cardinales hoc anno mortuos quartus numeratur Guilielmus, seu Petrus

Sæcul. XVI.
A.C. 1558.

Ciac. p. 865.
Goduin. de
Eptfc. Angl.